

四庫全書

集部

欽定四庫全書

集部

文苑英華卷九百二十一  
三

詳校官庶吉士臣龍廷槐

助教臣常循覆勘

總校官進士臣朱 鈐

校對官助教臣蔡 鎮

謄錄監生臣鄧洪繼

欽定四庫全書

文苑英華卷九百二十一 宋 李昉等 編

職官二十九

贈丹州刺史先府君碑一首

括州刺史贈工部尚書馮昭泰碑一首

豫州刺史魏叔瑜碑一首

常州刺史平貞眷碑一首

贈丹州刺史先府君神道碑 張說

府君諱隲字成隲范陽方城人也張子曰揮帝軒之胤

擊勲弦木賜錫

集作

姓上矣詩有卿士孝友史有留侯世

家八葉至東漢司空皓公子宇北平太守始居范陽四

葉至西晉司空華公子韙

一作

散騎常侍乃僑江左昆

孫太常復歸洛河故河東有司空砦洛陽有散騎里後

司空至府君十二代不失仁義矣王公諱戈周通道館

學士考諱格

集作

無祿早世府君乳生遺育四代單緒

家世尚儒不及伯魚之訓外祖為理遂讀咎繇之書以

明法歷饒長子二尉介休主簿洪洞丞以所願乎下事  
乎上以所願乎上交乎下反身與人何往不順臺選貞  
白覆囚山南人謂是行有典刑矣昊天不弔年五十二  
調露元年十二月乙卯捐背於縣廨夫人長樂縣太君  
馮氏父威藍田丞敬循法度踐涉圖史顧復幼孤將就  
成立家道不殞夫人是賴享年七十有二傾背於東都  
康俗里第光瑤說不天夙遭閔凶又集荼蓼先王制禮  
不敢從滅以景龍二年七月己卯安厝於萬安山陽祔

從周禮也惟先君不祿俸不奉親不機杼不資身僚舊  
無鷄黍之接况非其類乎族姻無魚菽之受况其人吏  
乎是全其高而善其獨也過四十始閱六籍觀詩得之  
厚觀書得之恒觀禮得之別觀樂得之和觀春秋得之  
正觀易得之元曰君子多乎哉事斯一言而已矣每誦  
道記三復三寶曰至人之心有以垂世又聞之太夫人  
云吾有子五十載非其疾無一日之憂太夫人亦云吾  
事夫子三十年耳無忤聲目無暴色先君子之違世也

其憂戀者尊堂在殯歟聖善在堂歟我諸孤無日敢忘

及王母終養二祖封崇亦尚克家成遺志

集作訓

矣若夫

安親孝也宜家義也翼子慈也軌迹隱乎含光故當代

罕耀馨香發乎潛德故明神終勞先大夫久而益榮歿

而不朽蓋此景雲二年天子嘉侍臣之匪躬念前人之

蘊德二月乙巳詔曰故官某毓德高邁藏器下僚代載

儒雅家傳清白河東佐邑長不欺之風山南覆因溢無

寃之聽徂謝永久丘墳不飾啓茲令胤貞事先朝宜崇

追遠之恩以表揚名之志可贈使持節丹州刺史王澤  
漏乎泉壤國禮崇乎宗廟漢帝論士恨不見李牧之為  
人曾子思親泣無逮楚王之厚祿道存運往痛矣餘悲  
緬尋前哲之所以聞無聲於四海視不見於百代者匪  
銘頌歟柏麟蔡邕其則不遠嗚呼霜露交積松檟滋深  
兄弟永懷相顧將老胡伯虎豈敢掩大人之情陳季方  
何足知家君之德小人銜恤非曰能文莫假辭於他者  
務傳信於我也銘曰



倚嚴考用玄妙體太和竭高志貞夫一戒其多孝于親

正于家刑于訓清厥心晦厥迹畏厥聞

集無聞字

寶如何其

謙儉孝

集無孝字

慈皇哉褒德永世有詞

故括州刺史贈工部尚書馮公神道碑

金之為寶百鍊而惟精玉之稱德久幽而不昧聖人美  
焉君子比焉可鑠也不可奪其剛可毀也不可污其潔  
偉哉馮公秉斯操矣公諱昭泰字遇聖長樂人也說學  
於故史豈不聞舅氏之厥初乎畢公建德乎周畢萬大

名乎

集作于

魏別封之裔遂氏馮城秦則丞相並時漢則

將軍重世積仁鍾慶王者鬱興間晉南浮因燕北號家

變成國為天下雄勲業競五霸之先子孫齊二王之後

公即昭成皇帝之十代孫也高祖大將軍隨州刺史長

山公謙以寇恂之才翊戴周武曾祖兵部尚書左僕射

魏國公世基以曾參之力經濟隋文大父尚書右

集作左

丞檢校御史大夫少府監揚州刺史

集作長

史安昌公命長

命以佳吏之名勤勞皇室考仁高亮無祿子道不究故

公幼而襲安昌公焉清明激澈標格峻堅夏翟耿介無

矯飾於韋弦寒松青冥不受令於霜雪專經覩奧習法

精理起家左奉格

集作裕是

改讓賢府果毅換文州司馬為

酷吏所陷罷官久之調榮州長史屬城慢法按而繩之

入計會府讐家橫訟明勅杖其愬者遷公宋州司馬朝

廷翕然知有王法復假左臺侍御史江南道廉察使類

會高等加朝散大夫進潞州長史堆崖受湍獨醒見嫉

轉湖州長史公束濕不回聚蚊交訕

集作訟

貶為饒州司

馬未行降使詳覆拜鄂州刺史制曰公志氣剛勁操履  
貞潔歷佐藩條咸有聲稱詰奸繆不避強禦苦節清威  
若凌霜雪頃因讒毀遂有貶降使者按問皎然明白俾  
從優獎特加寵命其在江夏異政風行入為太子家令  
兼知內外鑄錢事國泉是殷盜鎔乃絕河朔淫雨帝思  
作又俾公檢校邢州刺史散有賙無人忘歛歲帝乃璽  
書勞焉其旨曰卿忠於事君簡以臨下忘私徇公之美  
歌謠所載擒奸摘伏之奇吏人攸仰雖陳朔之貶黜邪

慝王業之斥除貪殘無以加也一郡清靜副朕意焉其

後以戚思

疑作恩集無此字

累移睦州刺史復為郡小所譖左

授泉州司馬未之任又貶榮州司馬公砥節荒服天高  
聽卑旋除温州長史俄復舊階拜括州刺史水國瀝如  
告疾言歸景龍三年六月十三日終於蘇州之逆旅春

秋六十有五正人歎息舊吏

集作

傷感公清白傳家信

義高世門有竒士室無長物夫其善於鈎距長於衿帶

法嚴令峻人寬吏急當官而行不畏

集作

讒慝之口除

惡務本不求愷悌之譽出入從官十有六職以謗獲貶者五洗謗特遷者四不曰忠乎將無悔於九死不曰直乎馬往而不三黜故人謝而名益著迹遠而風可懷也皇上志其持法不撓贈大理卿本其坐樹無言謚之曰節窳窳之事一以官供哀榮之禮被於存歿於時天子嚴謁山陵訓人追孝推心庶物瀉澤幽泉公長子少府監紹正次子給事中紹烈並構層堂仰延榮贈乃贈公工部尚書君子曰孝必錫類忠則不墜臧孫達其有後

乎鄭公業為不忘矣夫人瑯琊君右

集作左

相邢公及善

之女垂拱一年三十六而夫後夫人彭城君鴻臚卿善  
因之孫女景龍三年五十有五而逝所謂齊姜昭前邦  
媛輝後碧樹光落悲同孫楚之妻紅蘭漸苞貴在馮勤  
之母以開元十八年十月壬寅塋我節公於長安縣高  
陽原夫人王氏劉氏祔焉禮也長子紹正少府監第四  
子紹忠未仕第五子紹烈御史中丞孝乎二連之心思  
崇三絕之美魏主來顧賞幼婦之碑秦師不侵尊死士

之壟揚名稱代道速乎哉銘曰

古之志士忠不違

集作

難倬哉馮公矯此雲翰

集作

鷩鷩

羣小彼何足算屢困忠直天下改觀經用百年窮達

相半貽慶二子雙承天渙嚴嚴大理人命是懸聖明表

贈王道無偏六卿冬官百工攸序韓稜雖沒龍泉可許

邱陵鼓舞兮改谷移山

集作桑改壑移

歲月崩波兮有去不還

唯德音與頌石傳不朽於人間也

集無也字

豫州刺史魏叔瑜神道碑

前人



公諱叔瑜字思瑾曰魏氏鉅鹿曲陽人也考太師鄭文  
貞公致君皇極配神清廟故祖德胄系叙於太宗之先  
碑矣公生育慶緒天然炳胎教之姿少長德門日用成  
躬率之化性盤於孝友習狃於禮樂俛仰中則從容蹈  
道加以專精好古旁通多藝聖人之所志聞一而反三  
君子之所能舉十而知九與同生璘琬知名當代始以  
門資補左千牛轉洛州司兵司議郎職方郎中太子洗  
馬出為懷州長史歷慶慈儀豫四州刺史春華韡於兩

宮時雨零於四郡觀風之使所在聲聞變雅之老到今

遺詠其年春秋五十有一終於豫州塋於集作舊城大

人原王氏祔焉禮也議者以公不避強禦有昭子之政

事不為皎厲有康子之隱德虛已尚賢有文侯之樂善

重諾分急有信陵之高義人鮮有一况兼四乎公賦入

封君妹歸帝子車馬無戚里之盛衣服有儒者之節儉

而得禮富而無驕蓋奉先人集作之素履也公善於草

隸妙絕時人以筆意傳次子華及甥河東薛稷世稱前

有虞楮後有薛魏此又貽訓之餘美也嗟夫公學埒向  
歆操齊固熒若天假三壽朝登六事則鄭之柏武可尋  
漢之韋平一揆而年近知命位止方州落鵬翼於半霄  
負天之力莫展頓龍媒於局路追風之勢斯畢九原不  
作誰將與歸二子獻華追完先德俾余作頌以慰罔極

銘曰

昂昂豫州毓粹含道欽若古訓思文烈考於穆烈考維  
國之師公承丕構思皇纘之發軔臺閣風流榮問建麾

千里澤霧四郡位未充德命不遂才彼蒼孤善謂之何  
哉子孫必復邱封永久穆如清風振芳集作芬厥後

常州刺史平貞眷神道碑 前人

公諱貞眷字密一字間從燕國薊人也蓋晉之公族有  
韓國者列於世家韓之餘子食平邑者因為氏姓有漢  
丞相改造繡衣在魏薊侯宅茲玄社故瓜瓞綿于三輔  
枝葉盛乎兩燕魏齊之間世濟其美公即北齊司空公  
鑒之曾孫秘書郎子敬之季孫故偃師令直容之叔子

鍾積慶之洪脣包太和之粹靈敦龐沈靜直方簡易仁

義根心政理

闕

性度以禮義文以詩書戶部尚書清河

崔知悌朝望人倫公之文友深賞延譽遠近宗焉始以

司成館進士補廬州慎縣尉刺史盧寶脣舉器藏下寮

轉冀州大都督府

闕

縣尉換晉州洪洞縣主簿北平陽

道昕氣尚標舉河東裴知禮鑿裁精技陽推以孝友資

身裴亦薦以經邦興化徙雍州新豐縣尉盧少儒引為

檢點判官差卒選校小大推允休議登聞擢監御史裏

行奉使黔中監選有牂牁謝鳳節仁奏罷漢官專任首  
領公上其挾姦樹黨俶擾藩落天子悟焉再使置吏遠  
夷騷而旋定舊贖改而復完又駟牧在野攘竊是繁耗  
以歲月莫之禁禦公輶車上隴羣慝畢露表監官斛斯  
果之革奪職者九人沒歲者萬計收圉知禁忌無邪矣  
開耀間吐蕃侵境師旅不給乃購運酬勲募耕入選利  
之所聚詐亦居焉公與大理正王守一於河蘭鄯廓四  
州推獲僦糴王希古盧種王誕其徒二千餘人正處其

罪爰德

集作得

我直授監察御史內艱去職居喪過毀死

孝貽憂光宅初鞏延兩臺分典百郡服闋授右臺監察御史巡察河南澄清郡邑昇賢獎罪能執其中類功最加兩階拜右肅政殿中侍御史郎官法天古難其選固美斯在再拜司勳員外郎永昌中遭凶黨網羅為周興所奏貶溫州固安令州特舉清白改鴻州櫟陽令邑多猾人屢宰敗駕公威簡有素誠結無欺一作率是而行人用不擾獄行自靜狼戾反慤詔書嘉譽加朝散大夫

又懼密徒貝錦為河內所鞠降括州員外司倉尋而事  
白進吉州司馬神龍中興官反舊政窮鱗沛而縱壑隆  
羽翼而順風拜司門郎中兼衛王司馬無何正除衛王  
司馬拜太子左庶子以節愍之禍出為涪州刺史未往  
又轉廬州刺史致仕久之景龍中復起左諭德兼榮文  
館學士詔曰公縉紳耆彥操履清純令譽播于始終嘉  
績宣於中外儲闈論諭雅望尤高宜申朝典俾加徽服  
可銀青光祿大夫又攝詹事東都留守拜常州刺史居



歲優詔致仕享年八十若干先天元年仲冬薨於河南之正平里第遺令近地便塋斂以終服開元二年冬卜塋於伊闕之西夫人河東縣君柳氏祔焉禮也公出入

四朝歷官二十其進也皆釋

疑作擇

能錄勤惟德是與其

退也必含垢受屈在涅不淄子文之量從可知凡撰純孝友悌傳各一篇以匡儲后撰先君親友傳十卷以篤故舊撰家譜家誌各十卷以明系本撰河南巡察記十卷以辨風俗非通理博物立誠錫類者其孰能見志以

著書因事以設誠若斯之盛也有文集十卷行於代初公侍祠清廟有麾士之宜而先考偃師贈蒲州長史自祖考三葉塋無碑記公咨諸通儒而追建銘碣幽趙之士以為美談夫為子則頌德以尊祖飾終以榮親孝之大也為臣則不枉毫髮以顧私不避豺狼以撓法忠之至也潔志則利不涉口欲不萌心清之源也履道則不俛眉以悅勢不屈色以苟容正之方也詩曰仲山甫舉之公有其德傳曰左丘明恥之公有其直總是四善遠

齊二賢於是芬苾令問優游眉壽惠風激于勝流不績  
敷于指后然以忤彼權貴保茲介特不登三階以正四  
國貞白之似愾焉太息其孤總授充窮泣血靡所寘懷  
俾余作頌布哀豐石恭惟先人之寮友常奉長者之話  
言公雅珍確實不尚華靡敬順風規直紀行事業廣詞  
編萬無髮髻少子授八分之妙獨善當時公平日惠愛  
故存之刊刻詞曰峩峩淑德克生休命履孝蹈忠含清  
體正如玉之潔如金之鏡高明徇疑作美學以潤之官

方正事靜以鎮之嚴嚴憲府公三峻之赫赫儲宮公三  
訓之道有行廢時有否秦三入三黜無愠無喜鼓缶而  
歌懸車致仕全歸墓儉允也君子西山幽幽東川悠悠  
雲過墳闕風薄松楸人亡道存榮往哀留貽世作則行  
歸於周

文苑英華卷九百二十一

欽定四庫全書

文苑英華卷九百二十二 宋 李昉等 編

職官三十四

刺史

贈涇州刺史牛意碑一首

贈隴州刺史王行果碑一首

贈邠州刺史韋鈞碑 壽州刺史郭敬之碑一首

贈涇州刺史牛公神道碑 張九齡

夫志道莫先於無欲福善莫大於有後始而晦跡終不

近名非道德之合歟生我勞臣立而集作遠績非善慶

所致歟所謂伊人其在牛公者矣公諱意字某其先子

姓實始殷後有牛父者則宋之大夫盾裔蕃衍人物更

盛邽為護羌校尉崇為隴西主簿遂家隴上是稱冠族

其後因官安定爰處鶉觚今為郡人亦既重代矣公之

族祖有竒章公者隋室宗臣風流篤厚典章損益百代

可知天下稱之地靈斯在大父通秉志高尚守道不攜

當時交辟辭疾不起父會弱齡早代有才無祿公夙邁

閔凶終鮮兄弟性具純至孝思罔極幼以子立志不違  
邪與道為徒求仁自我不屑軒冕考槃邱園雖云屢空  
晏如也六郡自古五方雜錯負力怙利上氣好武人庶  
相放風俗不純及公冲和其返真樸外以義行格物內  
以默識頤神不飾智以驚愚不棄同而即異有恒其德  
無斁于集作人隣落為之變風狼戾以之率化公既浮  
雲不義介石惟一或勸之仕但笑而不言飛鴻冥冥胡  
可量也開元六年隨子西征以就色養春秋高矣道茂

年哀魂氣其歸賢德共盡越五月寢疾終於伏羌之官  
舍時年七十有六冬十一月歸葬于北原夫人同郡王  
氏不享偕老先是即代母儀婦德宋子齊姜自歸于我  
宜而集作爾家室不有配德曷生此子有子仙客為國之  
良用商君耕戰之圖修充國屯田之具出言可復所計  
而然邊捍長城主恩前席且以子貴之義有加父存之  
禮玄澤下逮素風激揚陰德所流大福斯至十八年有  
詔贈涇州長史二十二年冬且有後命贈使持節涇州



諸軍事涇州刺史夫人追封太原郡夫人於戲存有累

仁沒有餘烈福自昭於互體道非冀於異時及其影響

同符寵光如答雖松楸已拱而章綬集作緩載華死有可

作無異會稽之節生苟為恥安用鴈門之肉貴與不貴

可不然乎嗣子銀青光祿大夫太僕卿判涼州持節河

西節度兼隴西郡牧都使支度營田使隴右採訪處置

使攝御史大夫隴西縣開國子仙客叩心追遠昊集作號

天莫逮以為先美蓋闕後嗣有愧且澤漏幽壤得不銘

思名典本州豈徒錫羨而已銘曰

隴上多豪山西好武使君貞獨幼不斯取惟道為徒與  
代為矩善有餘慶風亦變古不學而知不行而至跡有  
相混名有自異出入百年終始一意福流于後神明其  
事行止於身用存互體厥子嘉績中朝緝禮邛迴壠隧  
門重旌祭逸人之墓今同郡邸

長安縣尉贈隴州刺史王府君神道碑

李邕

邕聞才不必用度疑作慶有必鍾盡滯或牽於時首正終

會於古故志氣也不謀於食而謀於道生祿也不在其  
身即在其子始終備致後起追褒謀翼孔彰前循邁種  
互體相發他日同時哀榮大來幽明通感長河一曲所  
以端其濬源高山四成所以極其層阜粵未可測已府  
君諱行果字某大原晉陽人也其先抵于營稷幹于李  
文枝于翦離條于吉駿代闕絕疑史朝弗曠官自古及  
今令名不去六代祖獻後魏尚書令封中山王贈太宰

謚曰宣五代祖襲吏部尚書嗣中山王謚曰惠高祖忻  
散騎常侍北肆州刺史謚曰穆曾祖子景徐州別駕北  
豫州司馬祖元季府君屬隋政分崩賢人伏匿誓言避  
地執心葆光迫以族弟本州遠慮物義辟大中正開府  
儀同三司考有方府君皇朝岷州刺史皆寵義從禮尊  
仁依信增業以行道無濟以守官府君間氣茂靈上德  
純粹風度簡曠神清秀按衣冠禮樂超等出徒博達聰  
明舉衆敵國無成足乎多藝不器非其一名讀聖人之

書閱上將之畧每及忠公大節孝友至情太息戶庭垂  
涕枕席憮然有開物致君之意立德顯親之心皇士目  
之通才許之好人一作仁從田蘇之遊求已慕蘭生之義  
至於手畫耳聽口誦目數覆碑背局答難詩賦公每屑  
焉人所服者弱冠以方聞授潤州司兵參軍事自頃上  
官養求同家侵欲或專咨儉嗇或懷其安荒一觀禮容  
載敷先訓不俟憲矩若對神明信所謂正刺邪德形物  
至於此也未幾宅岷州府君憂七日絕漿三年廬墓泣

變青柏祥臻素鳥野老明徵邦牧表異府君泣面而視  
瀝肝而言曰所不死者恐貽慈母痛悼豈願居卑外買

聲名叩頭止之外除宋州司戶參軍日者甫疑無水虎

唐諱土為凶年奸吏舞文詭隨畢賦詩誅求公聚作為賙

恤者習為常焉府君位其農郊什其居室正之以法糾

之以詞勿言寬征足革舊染議者以為平宰社肉武習

宮人一葉知秋百為有典矣總章歲駒麗負海欺天國

家汎舟討罰御急宣之明命濟懸軍之見糧董其轉輸

舉于幹職是役也緊公遷長安尉無何丁太夫人艱禮  
異於經毀甚於昔且二尊孝等偏罰事殊往顧慈親今  
極真性臨穴號叫仰天殞絕嗚呼孝歟春秋三十有七  
夫經德而天代人所悲執喪而滅錫類所痛有一於此  
則可以束名教感人倫况兼而極乎夫人中山甄氏父  
雍州豐崇府左別將黃陂縣開國男食邑三百戶行府  
君之息女嬪有令言母有彛則從夫德貴訓子業崇力  
遷於山祔同於穴粵以景龍三年歲次己酉十一月庚

寅朔十三日壬寅合葬于洛陽清風鄉之原禮也長子

駿慷慨英達激揚忠孝誦習文史昭宣幹

一作韜畧元宰

經國上將眎師申通明之偉才竭寅亮之誠節其志如

石其心如丹五間三連少籍多得空始

一作細疑無所逞其

計合散無所用其鋒李牧十年武侯七縱盡兵聲

一作勢

於河外揚主威於海濱三士列其多備九原備其光寵

開元十一年九月八日制曰存樹其名沒而不朽緬惟

褒飾弘是典章兵部尚書同中書門下三品上柱國行



果粹靈誕和敏德成器高節夙著盛名有歸雅志未伸  
促齡永謝象賢之美不展於亨衢而積善之徵克崇於  
後嗣歲紀方邈徽猷自遠宜申寵贈使持節隴州諸軍  
事隴州刺史勲如故次子暉故邠州永壽宰神和體正  
經明行脩有角無齒惟天之道與才不壽匪身之辜兄  
也孔懷緬然增感願述光德克贊豐碑高燥有以壯孝  
心樵蘇有以敬賢墓其詞曰德不孤慶有績迹時晦賢  
必復名實才尊匪祿博技藝窮簡竹耳聽聞心以蓄手

未止目猶逐碑可背弁能覆坐嘯委行道勗孝深至滅  
太感獎教義揚雅俗位嘗卑齡雖促推仁信致戩穀鍾  
令子發華族振武旅廣文困經廟堂掃邊服昭皇考贈  
丹轂臣義著子道足哀且榮幽既燭考罔已性相屬碑  
乃建神所福

贈邠州刺史韋公神道碑

韓休

夫賢者所以稱至業也居賢而德故有尊位者所以叙  
才用也有才而位不必貴緬覲志則代有其人焉公諱

鈞字季和京兆杜陵人也昔大彭授征伐之任摠齊羣  
后立為商伯扶陽擅儒雅之道儀刑列辟起為漢相由  
是邁種厥德光昭盛門軒裳奕葉以濟美靈庭肝嚮而  
相屬故夫重暉洪業啟彼玄緒淳德介祉歸諸後昆者  
焉曾祖澄皇朝國子祭酒儒門肇業國庠貽訓祖慶植  
皇朝舒密二州刺史政成師長化洽黎元父璠皇朝駕  
部員外郎譽重國楨道高人望光膺三署之拜克彰九  
德之美公淳輝秉靈鴻芬錫祉含英秀發揚光炯曜其

少也則珪璜自然克有成器其長也則禮樂攸在光其  
大名式是古訓洽于前烈懷利器而待割含虛明而獨  
照學無不綜窺先王之書府言必有則得夫子之文章  
挹其道則虛往而實歸論其德則敬容而貴允所謂樂  
只君子邦家之暉者也解褐以常調授綿州魏城丞矯  
層翰凌絕壑立茲政聲弘彼邦教以尤異擢授雍州長  
安尉未幾遷雍州司士參軍超于輦劇佐此神京既位  
以才遷亦高由政舉無何轉洛州陸渾令京臯底績河

縣為榮銅墨載美絃歌用譽以親累出為晏州嗟峨縣  
丞尋改授雅州司功參軍遷雍州三原縣令又改授邠  
州三水令又改岐州扶風令窮通在命喜愠在我當運  
而寵辱不驚養空而逝止恒適用能因事立訓自公滅  
私雖得喪繫乎其時亦風軌存乎所蒞者矣嗚呼物不  
可終否道不可以遂喪夷然順之艱以禎之俾夫人亨  
則自天而祐之矣景龍二年聖人發明制褒有功授太  
子司議郎內供奉尋正除乃遷尚輦奉御恭承嘉惠肅

奉彛則膺美選於禮門拜殊榮於御府又以親累授果  
州司馬尋改授漢州司馬公道直而正德貞而修雖行  
必恒存而運無常泰善不違已固無負於神明累則因  
人亟又從於貶降且人有厚於德而薄於命行其道而  
屈其身者歟栖遲下列竟以卒歲以開元十一年十二  
月十九日遘疾終於漢州之官舍春秋六十有四惟公  
含弘光大洵秀冲雅澹然而靜滲乎以清神崖自高海  
量孰測韞隨和以增美將蒞蘭而共芬而天爵斯茂朝

宗莫及盛名空

一作斯

在昌運不留可為長歎息者也

開元十二年七月二十五日遷窆於萬年縣洪固鄉陪  
先塋禮也公之第四女蘭畹生秀金閨植德以良家之  
選參帝子之榮克彰慶善之餘允協徽章之命開元二  
年正月四日乃下制贈公邠州刺史贈先夫人薛氏晉  
國夫人制曰代榮簪組才稱楨幹方居參佐淹謝中年  
朝選良家既聞餘慶義崇恩禮爰在飾終且分符節之  
榮無黍笳簫之夢可贈使持節邠州刺史并贈夫人為

晉國夫人非夫弘風勵俗明察在人豈能褒崇光茲訓  
翼者也君子曰管氏之世祀不亦宜乎其斯之謂歟有  
子尚舍直長悅然等晉之明用幹蠱而克永惟孝思訓  
我淳則爰播美於穹壤用圖芳於篆刻乃為銘曰

緬彼大彭兮佐於有商自我楚傳兮慶流扶陽逮茲後  
昆兮奕世以昌誕此明德兮與時而光良玉不斷兮幽  
蘭自芳為邦之彥兮為人之綱明德之修兮而命之不  
臧既道崇而位薄亦身沒而名揚嗚呼積其善也聞李



女之寵章崇其構也稱鄭公之不亡勒貞石旌高堂德音昭昭以孔彰俾夫墮淚之美者豈獨峴山之陽

壽州刺史郭公神道碑

苗晉卿

公諱敬之字敬之昔王季之列乎周虢叔之肩或謂郭建國命氏百代可知則有燕昭築臺尊賢師隗漢祖分邑行賞封亭曾祖廣意光祿大夫生益儒為馮翊之表也鷄犬之聲相聞公先祖後徙宅於華山之下今為華州鄭縣人也烈祖履球金州司倉大父昶涼州司法并

不緒齊美不殞其名端操履正有恒其德故鄉黨交友  
以為法度嘗語人曰吾居閒而不悶其寂望榮而不貴  
其厚有道則仕豈牽乎祿則居之所以從好利貞亦其  
自然所以不至大官大邑也各尚其志夫復何言皇考  
通美厚主簿器大孤特識兼精照明究羣書英聲誇邁  
於遠近矣初履畿甸縉紳歸高將昇臺閣雲霄自遠惜  
乎才仰餘地命嗟促齡公受天正性承家高範一作轍致  
用成於私室可試進於公門望刑而高深莫窺聽言而

是非不惑所蒞造適不可得其詳也凡歷州祿至別駕者三轉府寮遷郎將者五兼國練監牧使各一除吉渭綏壽刺史共四州累勲上柱國進階中大夫其牧守之理皆政聞一方化行千里變俗思義一作施恩酌物一作斟酌從

宜而節費尚儉用簡鎮靜清可率下寬能安衆舉事皆當察情必盡所謂愷悌君子民之父母何異乎仁風甘雨被於萬物也故天子璽書慰勉以彰分憂休蹟之聞焉未盡百祿可延三壽享年七十八以天寶三年正月

十日遘疾終于京師常樂里之私第聞者永懷咨嗟垂涕夫人平原郡君河內向氏配哲生才夫賢子令德高佐美慈加訓深嗚呼哀哉慶可延而靈不祐先窮泉而別華堂天寶十三載四月二十日合祔於京兆少陵原禮也頃羯虜犯順王師討逆公之子子儀任揔元戎誓清大盜常山擒敵之後靈武翊聖之初成我六軍前驅效死於是掃秦里之寇復開奉天繫陝郊之俘更收洛邑加以蒲坂之下淇水之上摧暴廓地二城無虞况師

不遷延功皆戰伐豈敢言病必先啓行此由許國捐軀  
輸忠奮勇或謂公曰書勲疇賞莫與為二公曰我國家  
將去否復必反正仗聖威而誰敢不雄奉睿謀而舉無  
遺策非為已力所謂天功帝曰朕嘉爾竭誠稟命平凶  
除惡遂自御史大夫拜兵部尚書同中書門下平章事  
俄而改司空換僕射又除司徒兼中書令列爵代國實  
賦千戶蓋武定聲偉若茲巍巍者也他日又追贈公亡  
祖兵部尚書亡考太保亡妣魏國夫人弟姪子孫亦皆

進祿位紆金紫此又殊常之恩也太保公禮畢封樹悲  
深歲月今慶延身後仰雨露而無涯德發生前比金石  
而不朽永言淑德實在昭宣無窮之聞光乎刊刻銘曰  
北州望崇左輔源同代無達疑德慶延我公仁能濟衆  
信必由衷邑疑裏支持凜凜清風知周才美君子不器  
椽州佐藩戎秩軍使砥開直道筆遣流事騏驎長途可  
遣百轡四郡循良政一人康道之軌度終然允臧於惟  
聖善輔以義方何怙何恃痛極悲長少陵原上盡為幽

宅何代邱隴誰家松柏司徒所天太保追策哀榮超冠  
千秋聖澤行由已全名自人傳勒茲銘記表于墓田繼  
代者來知先德行路者過想遺賢紀實昭懿俾奮億年

文苑英華卷九百二十二



欽定四庫全書

文苑英華卷九百二十三 宋 李昉等 編

職官三十一 刺史  
五

安州刺史杜鵬舉碑一首

泗州刺史李孟犇碑一首

晉州刺史高武光碑一首

安州刺史杜公神道碑 楊 炎

受正性者德之元纂重侯者業之盛君子體仁以合德

積厚以感通著于神明光于祚胤者其惟杜公乎公諱  
鵬舉字某其先京兆人也七代祖諱模後魏為濮陽守  
衛人宜之子孫世居東郡故今為濮陽人夏有秦龍之  
官周封唐杜之國世載侯伯勲藏晉魯周公錫命玄旗  
火龍極三代之衰參五霸之業斯保姓之始也漢有建  
平侯策定中興晉有當陽侯克弁南夏其食鄧鄩盛西  
郊之黻冕其分荆濮祚東國之山河斯不朽之宗也濮  
陽生陳留太守諱亮陳留生高祖北齊膠州刺史竟陵

公諱嘉竟陵生曾祖隋鴈門太守諱保鴈門生大父唐  
蘇州司馬諱義寬蘇州生皇建平侯荆益二州大都督  
府長史諱慎行洎貞孝公秉哲以輔先朝今黃門戴天  
以成大業自魏七代以方岳登聞在唐兩朝以台衡致  
理斯邁種之仁也公貞孝之兄黃門之考天修其爵地

富

一作  
學賦

其才神抱虛廓智藏著蔡口目河海儀型嵩華

學可以掌邦教詞可以宣國風少與范陽盧藏用隱於

白鹿山以太夫人有疾與清河崔沔同

闕

醫於蘭陵蕭

亮聲色之微以誠達疵癘之祥以氣變屬先府君作鎮  
荆楚有詔門子親侍禁闈起家修武縣尉歲滿以書判  
超等授濟源尉以正議登朝拜右拾遺昇玉堂以謁聖  
君陳格言以利天下黃門侍郎張廷珪國之髦碩洛州  
長史皇甫知常人之標準美公志行嘗與請交公精義  
入神洞究奧蹟初睿宗踐祚冥感祥符覩玄期於化元  
啓成命於幽教人所以佇非常之運天所以歸億兆之  
心玄宗時在東宮表公所言請編史冊時應令賦詩御

札批云畢公之任諒

一作亮

藉伊人思入風雅靈通神鬼

後以親累出為岐州司倉轉同州司士開元初上以中都稍食省河漕之徭大農器用賦晉山之鐵牧馬于歸獸之野考室于迎春之宮闕中始置疏決鹽鐵長春宮三使詔以公為判官明年天子東行河隄陞格獸之場開濯龍之沼停鑾上苑留宴天泉酒酣樂過公獻賦以諷於是采章之錫遷著作佐郎太子左贊善大夫都水使者邠王府司馬豐王府長史中散大夫安州刺史

公為政在上位畏于上貞一以守之齋莊以蒞之其始也居右正詞王侯嚮慕其終也疏通簡易禮化興行方將坐周召之堂陳歌訓之典法象魏登天庭而明德壽於中年壯圖悲於下國命矣以某年月日終於官舍明年二月葬於壽安之南原遵遺命也夫人河南郡君尉遲鄂國之孫邛州刺史瓌之女也抱含一之德友于君子受降神之祥克生元輔天寶四載終于山陽別業其終祔焉從周禮也長子靈瓊陳州太康主簿紹家祚而

命奪其祿次子奉遙有異學而天喪其文荀陳同德顏  
閔齊化季子山南劔南道副元帥特進黃門侍郎同中  
書門下平章事衛國公鴻漸身負蒼旻氣和鼎鼐以符  
合斯運以道佐唐虞文繫訓謨化齊混象大勲格于皇  
極厚寵揚于祖考某府君先贈大常再榮師保夫人舊  
封宜陽增號某郡三錫桓公之命是尊孟母之賢惟公  
主忠孝根仁義事親有極致之道執喪有寧戚之哀威  
廢鞭笞愠忘誚讓其立身也冥觀天理合含幽鑒強志

通於衆藝敏行求於古人考聲教觀歷象動合靈祇之  
贊居順陰陽之和其達誠也憂喜極中權利交喪歷官  
十二遠悔吝之形春秋七十抱純精之氣其保終也君  
子謂探命歷誠也專藥膳孝也補衮職仲山之志也頌  
王風吉甫之才也濟美藥武之德也有後臧孫之慶也  
宜乎正訓百代垂鴻千古存被先公之冕服沒為天子  
之元老勒鐘鼎建廟堂金石以頌聲邱陵以表隧乃假  
詞末學觀德將來銘曰



於赫太師德音孔遐道之氣象物之精華文學鄒魯羽  
儀邦家選于帝庭帝庭有儀聞于官府官府允釐明晦  
光耀際含天機識真紫極建旗青蒲熊負金印虵蟠朱  
組時哉功名海變今古精魂歸復宜陽之下我有家嗣  
為王寶臣德一作寵延沒世功被生人崖谷磅礴邱陵故新  
蒼蒼頌石萬世遺塵

泗州刺史李君神道碑  
李軫

夫崇孝悌者必竭力以事親厚忠貞者亦盡心以奉上

故聖人廣而教之以勸遐裔至若馬遷續太史之紀安國傳夫子之書潘氏家風謝公別傳內足以貽厥後昆外足以錫祉爾類小子不敏仰希前哲竊述類本用表流光君諱孟犇字公悅其先乃太上玄元之系五代祖景皇帝始封于唐高祖諱亮至德初追冊鄭王謚曰孝曾祖諱神通武德初以佐命元勳封淮安郡王開府儀同三司尚書左僕射謚曰靖烈祖諱孝義武德初封永安郡王貞觀中改封膠西郡公銀青光祿大夫司農卿

上柱國襲膠西郡公至德初追贈平陽太守皆芥藻至  
德琢磨令範仁經義緯敷教易俗理化勲庸備詳史牒  
君純懿靈粹得之自天先府君貶南州也以正直忤物  
為邪醜正一有辛字已告終于官舍君未弱冠號天踴地漿  
勺不入禮過成人寮吏贈贈一無所受扶護艱險泣血  
萬里提攜幼稚盡室獲全以某月日遷塋配廟禮物無  
闕由是以純孝聞服闋調補梁州參軍轉右衛錄事參  
軍相王府戶曹以清幹稱恩詔特加朝散大夫出宰郃

陽猗氏三原德風洽聞香聲遠茂君之臨猗氏也萊田

数十里上蔽荆榛下闢舄鹵逋逃夜

一作

聚豺狼曉嗥

公曰穀不足者地有遺利食不足者人有遺功長其荆

棘孰若樹其禾稼聚其豺狼孰若利其貧窶乃尋斧於

拱木踈鑿於涑州化草莽為陂塘變磽确為墳壤人民

胥悅工亦子來雖史起決漳鄭國開白亦何加也人荷

其德邑茂其功建頌立碑迄今斯在後中使撫循廉按

嘉公丕績薦為鄧州司馬兼陸門堰稻田使君迺谿白

水之口壅樊陽之陂築埭雲屯疊石山積樹建立則截  
流施扁制蓄洩之門為水府之權分血脉之經緯為農  
夫之司命條流百道浸潤七邑疆畦綺錯稼穡龍鱗田  
疇之歌何獨子產中使舉以郎署擢授禮部員外屬東  
封扈蹕轉虞部員外郎出牧泗州清明簡肅治行第一  
而地接吳楚氣候卑濕因之疝癘辭以疾歸開元十九  
年十一月十九日終于大梁旅館享年五十有五權厝  
太行山至德初累贈宋鄭二州刺史季子翼自衡鄂轉

運使兼漢南租庸從事爰適上國分途啓扈奔就吉辰  
以大厯元年十一月十四日遷窆於京兆萬年縣之畢  
原先夫人崔氏稱祔焉禮也今夫人清河人也父諱惟  
明累遷海沂等州司馬兄鏡邈隱居太行累辟不起弟  
國輔秀才擢第制舉登科歷補闕起居禮部員外郎夫  
人冲和備體柔順居中出起仰茂先之箴閨門遵大家  
之誠自府君捐世庶務親臨存孤撫稚有妨禫寂是以  
通大乘頓悟門挹沆瀣餌花香而又現舉止之異者有

二凡於宴坐口吐舍利香骨頂生如佛螺髻驚聞中外  
得未曾有翼等以額珠外見意寶內明釋氏前言今為  
見世遂感涕捧戴歸於故園起塔瞻奉莫之測也及天  
寶末隨子權赴陝郡司馬屬狂賊犯闕中原鼎沸權負  
板輿自弘農藍田值潼關失守朝野震驚扶長攜幼潛  
避山谷重壑固陰深林酷冷因之違裕至於彌留以其  
年九月二十九日薨於終南山一作所居享年七十有三  
有子六人長曰權故金州刺史次曰衡故洺州清漳尉

次曰樞故檢校虞部員外兼侍御史次曰軫歙州別駕  
次曰房故渭南令季曰翼陝府長史兼侍御史丞陝府  
都防禦觀察陝虢等使惟軫與翼永號孤苦松楸斯拱  
銘碣未彰感奉遺範懼深失墜敬尊典故不慙以文其  
詞曰

於赫大祖蟬聯我王夢蘭異感剪葉殊祥擇賢建德立  
社封疆肇分枝族貽厥其昌淮安忠黨英靈倜儻率衆  
關西濟師江上膠西酷似文武不墜運屬休明化流撫



字烈考謫官遭罹艱時酷吏深文天下共悲君之岐嶷  
生知敏識磨礱節行韜晦仁德鍾罰蠻貊膺填氣塞天  
之輔護日茂嘉聲參卿發跡語掾馳名宰邑佐都事明  
理貞為郎起草後範規程出守泗濱明德惟馨繼疏躡  
陸修身知止福亮未極壑舟旋徙猗那夫人性合天真  
心遊志道跡棄喧塵嘉偶君子敬待如賓衣冠之族禮  
樂之門詞林翰苑金友玉昆垂芳後葉流慶無垠令聞  
不朽貞石斯存

御史中丞晉州刺史高公神道碑

盧虔

大歷七年冬十有二月辛酉御史中丞前晉州刺史高公薨嗚呼天柱折地維缺豈止梁木其壞太山其頽乎中書令汾陽王聞之衣及于寢門之外至哀不哭仰天久之曰天喪余俾余曷所依律苟在飲公之化食公之德莫不叩心絕氣行號巷哭其月乙亥天王使中使來歸我公之賵贈潞州大都督詔曰狐裘濯冠勤固無歇

閉閣留牘盡瘁有終謂公有古人之風故貺公以古人之節傳曰知臣莫若於君豈虛也哉公諱武光字淑貞其先渤海人也曾祖正初隋左金吾衛中郎將祖翰皇中散大夫常州長史皇考莊皇左驍衛將軍代濟忠貞保乂王室累膺熊羆不二之心佐盛德之後必有達者惟公生焉公則將軍之嗣子也在厥初生自貽哲命弱而幹父長乃克家恥雕蟲而不為喜從龍而或躍故能事親克諧於純孝弼主必著其大忠忠孝並全社稷之

衛也以申警之勤首職洛交郡安昌府別將昭忠信也  
由是公忠壯自篤勤勞日宣為國爪牙在帝左右美爾  
攸績於嘉乃勲累遷至忠武將軍守左清道率洎天寶  
末會幽燕階禍公密奏辨疑襲履霜之漸叩血流地上  
濺御衣雖涉闕之諫不從而竭忠之誠克見帝嘉乃節  
拜右羽林將軍知軍事及亂作公待罪闕下曰臣始知  
之不能糜碎身首啓沃聖聰俾賊猖狂藥而不瞑眩誰  
之咎也敢忘其死帝遽錫公雜綵二百段瓶盤副焉曰

子言無隱朕甚嘉焉言而不從朕之過也惟今之謀言  
姑將以為親其年公陷賊境為賊所得賊議焚太廟與  
清渠之役中使孫知古遇賊若為釁鼓之事公節由義  
感忠以力成危言勃如賊爾咸若是歲國廟不焚中使  
復命公之力也其有金鏃淫夷南冠繫俘咸賴迓續以  
永其命者可勝言哉其時賊議公本我唐之蓋公也不  
可以握兵之要恐通內外之言賊遂黜公出典故絳絳  
人聞公之至也公來其蘇公之牧絳也我躬則閱雖外

困賊命而內綏我人億兆協心和樂且孺卒使苞茅之  
貢日臻乎行在及王師大來公志克遂墜城歸命乃享  
無疆之休易曰女子貞不字十年乃字其是之謂乎入  
朝肅宗詔復位羽林是歲年穀不登長安餓死相屬公  
颺言于上請出禁衛之米以放餓者上多之乃俾公司  
出納之令翌日餓隸復蘇人賴家給時謂之公致君邁  
於堯舜不然何博施之道廣耶越月除奉先是邑也有  
不腴之賦戶人逋其邑三千公戾止未幾戶人復歸如

初屬虜難未已時奴刺拔我鳳州皇上類能俾公康又  
公於是乎始有剖符之寄公之始至克黜戍難靖安西  
入疑作踰月政成封內大理俾其裋疑之蓋及身于仁

壽之域矣其年秋有詔遷梁州刺史充山南道觀察初  
商人吏那延西人之子也懋遷負來遇疾而卒遂殫所  
得之資備送終之禮明日死徒數百人咸造公庭曰今  
有以見死者之幸我如此不如此無其如字人之恤飲  
水之潔不書可知也君子曰高公荷天之百祿永終無

數由是汾陽王美公之政無度寶應初以今上之命命  
公救濯于絳加銀青光祿大夫絳人喜公其來如見父  
母戎首師乾光皇甫太冲率徒數千居郡之南山食人  
牛馬奪人妻妾渴日為惡不彌虔劉洎公之下車旬時  
克浸仁風率復淳化封域之內密如也雖晉用隨會羣  
盜出奔舜舉咎繇不仁者遠曷集作何以為比俄而汾晉  
阻兵闕東漸弊脇權相滅鮮克胥匡以公獨固大節仗  
大順初誘之以高位不從又逼以白刃不從身幾見危



節終不奪可謂風雨如晦鷄鳴不已上徐聞其忠狀也  
加特進守左金吾衛大將軍又轉開府儀同三司試大  
常卿封渤海縣開國公食邑一千五百戶加一疑朝散  
大夫間歲遇汾陽王論晉倒懸之急若涉水之不濟由  
是上將公為舟楫克濟其難公自是以利往為晉康侯  
加御史中丞夫晉陶唐之舊也介二大都之間達四康  
衢之要賊臣之所讐斂工師之所蹂踐室盡閭爾田其  
荒兮其有彼積之苗美哉之真則為武臣所有其秋興

履畝之役行比屋之積撫弱憚獨不畏強禦晉人沐公之惠如慶雲也一年逋逃復二年田疇闢三年之外中和之詠甘棠之頌洋洋乎盈耳哉三年秋汾陽王復以公勤績克聞于上上俾公以尹河府浹辰之內揚然有聲留人思公遺愛銘頌貞石經始有典不日成之覩而思仁墮淚于下汾陽王聞之復聞于上上詔公再造其晉加安樂郡開國公公之至也大耄鼓腹而歌羣黎投杖而拜武人搃戈以馳笑樂正交鼓而和羅公既喜迓


如雲人亦沐公如雨風生草偃政簡人和陶然日遂其  
性矣以明年冬汾陽王以秦隴不闕藉公以籌其策公  
罷侯于晉克揚西土之烈無何遘癘害疾遂歸休于宣  
平私第病日臻既彌留銀青光祿大夫無絳州別駕趙  
公廉公之愛壻也素知其為人名節清峻氣宇沖邈臨  
終之日托以後事而誓言于公曰嗚呼余不天余之性  
也克艱難昔往蹇之際不克抗臣節以死王事繫老母  
之故賴皇鑒之明以汾陽王靈不汝疵瑕獲保首領以

免今死喪荐至逃遁無所汾陽王生成之恩不得而答  
太夫人罔極之德何階而報天乎天乎誰察余之心乎  
言終飲恨而歿享年六十有五夫人隴西李氏柔克宜  
家坤儀訓內享年不永先公而逝大歷八年正月五日  
詔贈郡夫人夫人以其月乙酉合祔于萬年縣鳳樓北  
原禮也公六典大郡三掌禁兵清儉以立身貞而獲歿  
誰謂高氏無君子斯焉取斯太夫人隴西李氏迴已斷  
之傷就終焉之禮夫人天水趙氏誓同穴之志為未亡

之人嗣子長曰昇次曰昱咸在童齒集蓼茹荼哭不絕  
聲盡而繼之以血也虔忝吏末曾工為文受命于愛壻  
趙公俾光昭公之令德逖聽遺愛搨札而書不覺涕之  
沱若跪而銘曰

天贊皇明而公克生欽若王事有終于成乾惕厲蹇  
蹇忠貞三主禁兵六牧專城於穆性情疑洋洋頌聲九  
有作程惟皇之禎胡不終吉今天降疾禍昇福黜幽啓  
明室佳城鬱鬱備物秩秩送終于畢不思其出隴月宵

吊郊雲曙密吁嗟高公千秋此室



文苑英華卷九百二十三

欽定四庫全書

集部

文苑英華卷九百二十四至  
六

詳校官庶吉士臣龍廷槐

助教臣常循覆勘

總校官進士臣朱鈺

校對官助教臣蔡鎮

謄錄監生臣鄧洪繼

欽定四庫全書

文苑英華卷九百二十四 宋 李昉等 編

職官三十二 刺史

六

黔州刺史薛舒碑一首

常州刺史獨孤及碑一首

房州刺史杜元徽碑一首

温州刺史裴希先碑一首

黔州刺史薛舒神道碑

韋 建



名位所以寵賢爵祿所以馭貴德盛者慶遠源深者流  
長垂裕後昆啓迪前烈今見其人矣薛氏之先奚仲為  
夏車正仲虺為湯左相與滕爭長薛實先封佐漢登台  
因而胙土河東冠族代不乏賢五代祖道衡隋吏部侍  
郎內史侍郎隋文帝創造霸圖發揮綸翰變當時之文  
體高祖收皇朝行臺金部員外天策府學士我太祖之  
經綸王業專掌詔檄擅經國之詞宗凡所事業著於史  
傳曾祖原超皇朝戶部尚書中書令汾陽縣開國男丹

青景化金玉王度訃謨載於盟府故事留於臺閣祖毅  
皇朝鄜州洛交縣令大子舍人父儒童皇朝京兆府醴  
泉縣丞贈梁州都督潛德養蒙晦明藏用位不克量道  
屈安卑武子之德在人太丘之德益茂府君諱舒字仲  
和醴泉府君之長子也元和誕靈純粹時秀覃訃有異  
敏惠夙成聞詩禮之義方深仁明之正性讀書知王霸  
大體覽史纂名臣高節脫畧細務經濟遠圖銓衡賞擢  
年十九授華州司士參軍徙累士也轉相州司法參軍

又遷岐州司功參軍鄴郡舊都扶風左輔掾曾之選必先才地以儒學飾吏以明察涖官筮仕之初有令名再命而偃不忘循牆之恭三語故稱則聞趨府之譽堆案之下析滯無虞天寶初寰宇昇平典刑攸叙旁求端士以授法官拜大理寺丞敬爾繇獄有郡吏抵犯議合惟輕台臣作威俾令從重伏念累日至於旬時苟有動搖必將頗類彰書厥狀實曰非辜初秉直而不移終忤權以獲罪貶青州司戶參軍君子曰守法不回正也移官

無愠達也道不可屈身屈何傷無何授金州司馬遷夷  
州刺史舉淹滯擇廉平也至德初遷渝州刺史西通楚  
道北控漢中山鎮縉雲峽通明月歌來暮於巴俗願借  
畱於梁境昇課最矣君理行第一所居必聞冉季膺政  
事之科龔黃獲循良之首累遷巫溪二刺史兼少府監  
殿中侍御史溪洞雜類蠻夷徼外綬有素服小有底寧  
言語之所不通撫柔之化風靡寶應初皇上以四郊多  
壘五谿未安乃拜黔州刺史黔中經畧招討官觀察處

置鹽鐵選補等大理卿兼御史中丞黔中者禹貢荊州  
之域秦開武陵郡其啓土也大其貨殖也殷有廩君之  
土舟擅寡婦之丹穴惠化所感無思不服昆明夷者西  
絕域開池習戰漢所未通遠聞德政翻然琛賫尤物來  
獻於重譯紫泥寶書屢榮於手詔尋加金紫光祿大夫  
御史大夫河東郡開國伯賞茂勲也十郡土氣百域異  
俗輕剽嵒窳姦宄矯虔示之以威信興之以禮讓華風  
變於夷裔膏雨浹於殊壤方將作鎮藩翰永為長城天

不憚遣人將安仰以大厯十年四月二十五日薨於漢  
州之公館春秋六十有八勤王事也魏闕將朝來展韓  
侯之覲荆州罷市深懷叔子之仁百蠻感慟三軍雨泣  
惟君孝悌之性始於閨門忠義之誠聞於邦國少有大  
量幼而考成結綬勤王敬恭朝夕精識可以應務明斷  
可以析疑每推是心以接於物魏其廡下金盡散人記  
毓室中衣無常主而雅好文酒醉猶溫克陶然忘機傲  
然自得儻來軒冕曾不在懷此則山簡之疎曠莊周之

造道貴而不驕謙遜每推於寮友寬而能恕喜愠不見於家人信大雅之保身中庸之蹈道况乎負才器以身許國剖郡符簡易之風政行於南國者二紀領藩鎮者十年凡所條奏上簡聖心汝實專征嘗受元戎之鉞我惟共理兼榮副相之印充國之功宣右地伏波之式是南邦遺愛去思古今一揆君外祖故中書令逍遙公韋嗣立先朝碩德叔父故陳畱郡太守河南採訪使江童當代著名賢季弟前吏部侍郎今宣州刺史宣欽等州

觀察使邕朝之後茂既疑隋朝至今掌綸翰者四葉天

寶之後膺方面者三人中外相門奕代文學闕閱之大

莫與之京夫人京兆韋氏故工部尚書東都留守虛心

之次女琬疑作淑之德早映圖史柔明之姿動成師範

方保榮於韓樂奄追悼於潘詩以永泰二年三月殂逝

巫州官舍追贈扶風郡夫人從夫貴也長子長卿貢明

經安親次子左金吾衛兵曹安國早成訓導皆成器業

才行之美孝友彰聞友志不特相次淪天三子永王府



參軍安郡髻稚之歲執親之喪致毀而終人踰疑所痛  
卜云其吉列兆先塋不忘孝也第二女故梓州射洪縣  
令杜滔妻至孝純深提攜孤幼江山險阻扶護言歸誠  
孝所通龜筮協吉喪事不敢不勉備物必誠必信聖恩  
震悼贈禮部尚書賻物三百疋仍令中使監護弔祭儀  
仗禮優常等飾終之典迴日月於佳城詔塋之儀濡雨  
露於泉隧以大歷十一年七月二十日合祔於萬年縣  
栖鳳原禮也季子大常寺奉禮郎遵誠協律郎遵誨太

祝一作常非遵訓等七人童巾而孤孺慕罔極松楸已拱地

邇先君棣萼前彫瑩連愛子封之若斧尚行夫子之規  
坎不及泉自合延陵之禮余忝內弟早荷周旋傳盛德  
而備詳叙高行而無愧詞曰汾水源長條山連岡鼎氣  
發祥大族其昌車正仕夏鈞衡佐湯贛君法令內史文  
章德厚慶遠才優道彰中書政本綸合傳芳時稱茂緒  
代濟業祉學小申韓藝通墳史邦有良翰朝推端士折  
滯列曾申寃大理三黜無愠九遷茲始州縣暫勞雲霄

則邇西南重鎮實倚長城夷落風變蠻陬化行駐車決  
遺攬轡澄清赤舄命服朱綸錯衡霜飛憲簡露溫戎旌

絕域輸

一作納

欸殊方獻誠牙璋既備介圭方觀仁則宜

壽夭胡不憖迨遘江山悲涼旅櫬震悼宸扆哀痛藩鎮  
詔使護喪同盟執引哀哀孝子甄甄令肩銘德叙功庶  
乎傳信

常州刺史獨孤及神道碑

崔祐甫

昔劉向稱賈誼言三代與秦亂之意其論甚美達於國

體雖古之尹管

文粹  
作呂

未能遠過又稱董仲舒有王佐之

才雖伊呂無以加管晏之屬殆不及也烏

文粹  
作於

戲二君

以偉才當盛漢之崇而位止於下國二千石祐甫聞於  
先君僕射曰玉恩非臣下之所圖天命豈生人之所制  
有唐碩量深識之士曰獨孤常州諱及字至之河南洛  
陽人皇朝左千牛元慶之曾孫蔡州刺史思暎之孫殿  
中侍御史贈秘書監通理之第四子仕而遭時鵠立於  
朝建旗東夏三著嘉績嗚呼痛乎奄忽捐館其時也大

歷十二年夏四月二十九日其地也常州之路寢其壽

也五十三年凡朝士公素見知者後進之士聞義嚮風

者洎濠舒常三州之百姓莫不堪集作填膺流背不宴不

相浹辰彌月厚而惜之者往往失聲出涕沓若公有子

朗郁等年未亂厥兄檢校水部員外郎兼侍御史汜方

佐澗河集無此字東帥聞喪來奔半旬而至恠毒之甚情二本

如作不欲生既受吏人賓客之弔乃忍死集作哀謀事以六

月六日引使君之柩去常州歸洛陽其年歲次丁巳十

月朔七日葬我使君于河南府壽安縣其原先秘監之

塋以夫人博陵縣君崔氏祔焉禮也水部曰天之降灾

害

二字集  
作割

于我家仲叔季盡矣吾將老矣吾弟常州之

子未立今不刻石表墓則常州之令名何以傳於後乃

託我故人叙而銘之常州稟元和以生幼有成人之量

秘監府君親授以孝經常州一覽成誦秘監問曰汝志

於何句對曰立身行道揚名於後世是可尚

二字文  
粹作志也

自是徧覽五經觀其大義不為章句學成童丁秘監憂

勺飲不入口者累日先夫人同郡長孫氏諭以不可滅性之義由是微進饘粥杖而後起免喪加於人一等鄉族稱其孝焉長孫夫人高行明識訓導甚至至常州漸教成器卓然有立著延陵論君子謂其評議之精在古人右天寶末以洞曉玄經對策上第超拜華陰縣尉著古函谷關仙掌二銘格高理精當代詞人無不畏服俄屬中原兵亂避地於越丁太夫人憂毀瘠過禮既外除江淮都督使戶部尚書李闕奏為掌書記授左金吾衛

兵曹參軍旅之事非其所好未幾返初服今上即位下

詔收俊茂舉滯淹政之大者以公為左拾遺凡所諫諍

直而不訐婉而不撓削彙詭詞

文粹作屬  
彙訓詞

不傳於外遷

太常博士時新平大長公主之子裴防尚永清公主初  
以太子少傅裴遵慶為婚主將行五禮公實相焉中使

口宣詔旨易之大長主後夫姜慶初常州曰婚姻之禮  
王化之階以異姓之人主之不可甚矣某不奉詔中書  
令汾陽王時為五禮使從焉又百官薨卒定謚之際綜



數名實皆居其當與嚴河南郢訓答呂荊州諍謚議博而正當時避之遷尚書禮部員外郎受詔考第吏部選人詞翰旌別淑慝朝野稱正上方大卹黎庶精選牧守以公為濠州刺史平其徭賦恤其冤弱課績聞上加朝散大夫遷舒州刺史舒集有境瀕江傍山羣盜所聚或之字闕林藪或趙趙城市公惠以柔之武以讜之釋牙服未盡為良俗其他如在濠之政居一年墾書勞問就加尚書司封郎中錫以金章紫綬屬江南旱歉比境之人

流移甚衆公忠

集作  
悉

心以撫舒獨完安天子聞而休之

擢拜常州刺史常州當全吳之中據名域沃土兵興之

後中華剪覆吳中州府此焉稱大故朝之選牧恒屬意

焉公宣中和平易之教務振人毓德之體百姓蒙化遷

善不知所以安而安吏不忍欺路不拾遺餘糧棲畝膏

露降之

集作  
庭

公平生聞人之善必揄揚之氣盡與之不

啻若身得之後進有才而業未就者教誨誘掖之惟日

不足公之文章大抵以立憲誠世褒賢遏惡為用故論

議最長其或列于碑頌

文粹作碣

流于詠歌峻如嵩華盛如

江河清如秋風過物邈不可逮公有集二十卷行於代

若夫贊堯舜禹湯之命為誥為典為謨為訓人皆許之

而不吾試論道之位

集作任

宜而不涉前是公之仲兄季

弟伯姊三年之間繼歿執天倫之喪如荼如蓼竟以無

祿天何不仁然則賈與董名位不盡其才吾先君之歎

主恩天命斯見矣其銘曰

常州之德

二本無此字

孝行為大烝烝翼翼以敬以愛友于

兄弟如捧如戴常州之義篤于朋

二本無此字

友用之有恒

行之可久

集作故之曰如  
一恒之曰可久

扶危拯溺爾身我手常州之

才施于有

二本無此字

政扶柔三部謙以為柄龔遂國僑干

古迭映常州之文究其元

二本無此字

本質取其深文粹作艷

從其損在星之緯在衣之袞常州之年止于

二本無于字身

深去昭昭之盛世與萬鬼而為隣白馬江上青鳥洛濱

鶴鳴在原嗟爾元昆繚經

二本作在

霑血長號訴冤纂述遺

美謂余不諉我見

二本作覲

之子將二十年相投藥石胡疹

不痊譬我於池子為之泉譬我於桐子為之絃榮不獨  
遂難不隻全如何淑明推馥碎堅歛衣楚挽徘徊墓田  
望之不見赴之無緣狸首斑如女手拳拳如天如天泣

涕漣漣

二本作狸首斑如女手拳  
如天如天如泣涕漣如

房州刺史杜府君神道碑

劉大貞

茂天爵者薄人秩韜真機者庇世道是有草萊纓組塵  
埃聲利位始階而身退名始存而跡遠者見之府君矣  
府君杜氏諱元徽字金剛京兆人也宗啓周封業光魯

史層源演派疊萼舒英以地則因人斯大以世則令郡  
望族至若驟諫興王飛謀戰國垂康漢之緒著平吳之  
功咸寵冠往賢爵華前載斯粗舉而未能也曾祖良杞  
府君銀青光祿大夫國子祭酒贈左僕射祖士倫府君  
大中大夫左衛大將軍考玄隱府君游擊將軍商州栢  
水府折衝上柱國或遵揚儒風或宣肆武烈方傳學省  
勲在戎府俾昌而裕毓我今人府君貞量居體中和成  
性孝慈根於素風明敏彰於羈貫惟道素是味唯還丹

是慕浮碧落而雲高立秋江而鶴遠既而宗族喻良弓  
之業親朋示博帶之義事感於中勉而筮仕解巾暑部  
戎校金吾左翊府尋授左監門衛長史晁錯才識始從  
掌固揚雄詞賦仍聞執戟滯脩鱗於汙瀆棲逸翮於榆  
枌摩重霄躍洪濶將有日矣然而雅好翰墨尤工弧矢  
援毫露垂舍拔星落脩倒薤以偕極掩穿楊而稱妙造  
次於是專精無怠况素以飾智於是隳身徇物則儒墨  
兩忘也匪江湖而閔匪仁義不修則朝野一致也是用

齊榮賤混淹速歲星逾所名秩乃徙人不堪其望我則  
莫之屑其鍊性存神遠希彭羨猶初志也府君之徙父  
昆弟有懸王官宿債者簡書煙交司空星至悉責薄產  
殆將不給且家人嗷嗷泉壤貽懼府君憂攢于貌事甚  
在已遂鬻所居之業而代償焉卜遷于西郊之別墅又  
有至自西州者官遊既久田屋斯變陶園蕪松菊已荒  
江宅與桑田俱盡府君復推別墅以居之其仁愛之厚  
多此類也屬虜起幽都兵交中原二京弛禁六龍偏幸



府君心壯血憤志圖家國乃激勸親族糾率子弟弦木  
礪金有車一乘督責遣之曰吾聞救時者無險易赴難  
者無遠邇况文武繼代食君之祿者乎吾夙有林棲之  
契又齒髮將暮不有處者誰保家屬汝曹行乎吾欲兼  
濟遂提老嫗幼集于終南時勲武爭搏齊人大擾戰血  
殷野傷魂嘯林丁壯濟師婦姑行餉府君深居事外適  
與靜合身絕犖角目無鋒刃天下鼎沸雲卧恬然伊昔  
漢臣擇日而不去秦客緣原以忘返屯往秦還我無凝

滯由是故放蕩形役徜徉家林州閭歸仁疆理息訟儒  
書仙錄開卷自得鶴侶鴻儔風期相許實清冥上人也  
以乾元二年夏四月十八日遘疾終於長安居德里私  
第春秋六十有四夫人渤海郡太夫人高氏媛懿淑茂  
柔貞惠和含貞樂道合府君之志以貞元四年秋九月  
庚午合葬于咸陽之洪瀆原禮也長子前河北招討都  
統領兵馬使銀青光祿大夫檢校太子詹事兼御史中  
丞上柱國建安郡王食實封一百五十戶季玘宣茂績

於邦家施湛恩於祖考忠誠好謀深毅能斷當禁衛之心  
督總兵符於掌握皇威揚於外臣節固於中勲庸大  
來爵位斯集朝廷以府君重

疑作垂

裕道至貽謀慶深下

詔褒寵用光幽宥贈房州刺史次子冠軍大將軍兼試  
太常少卿李璘探賸兵謀妙通劍術致身環列亦著殊  
名惟伯與仲孝心罔極莫不切追遠之情循聿修之旨  
爰托圖篆式昭令德其詞曰

休祉錫美元淳毓靈是曰哲人惟道之英風質簡遠音

詞淑清優游下秩想象高冥謀能圖國射足觀德藥龜  
霜玄書池水墨義自情感仁非教植鬻業推居宗親翼  
翼當夷亂華高蹈雲崖子弟從師策勲王家艱難既平  
吐納元和玉貌雖全促齡如何詵詵令嗣忠武濟世位  
崇銀章權總輿衛是降袞贈載光幽竊攢疑詞揚休昭  
示來裔

故朝議郎使節溫州諸軍事溫州刺史充靜海  
軍使賜緋魚袋河東裴府君神道碑

權德輿

春秋時賢卿大夫皆叙其代功舊德章明以續集作續蓋

續

黃流玉瓚之寶產於深山清廟夏屋之材秀於中林其

或為珩為珮為節為祝無非禮神用備崇構洪河之東

裴氏在焉自魏晉迄今忠賢輩出士林以為領袖史臣

披於簡策而又奕代降休且公侯上嬪王姬領方州者

可得而言以刻金石曰君諱希先字某四代祖懷節皇

給事中工部侍郎荆楊二州集無大都督府長史洛州

二字

刺史謚曰定魯祖昭歷司門度支二郎中衛尉太府二

守卿祖確歷左右衛左右金吾衛四大將軍太府卿太

子詹事平陽郡開國公謚曰貞自定公至貞公皆銀青

光祿大夫以至烈考怱仕至廊

集作麟非

州刺史太子僕贈

絳州刺史凡四代貴仕左曹二千石四衛九列副冬官

尹東朝

集作明非

禮及易名恩深追遠代修其業鍾美於君

君寬裕博厚恭儉莊誠資性端直詞氣閑雅於經書泛

為疏達而不窮章句於吏道通於理述而不求聞問自

解巾而至於捐館凡歷十一官無疵政無違德祇守家  
法奉以周旋仕於宮殿始為僕寺進洗馬中允再為家  
令仕於國王歷濟陳蜀三府初為騎曹掾次為長史次  
為傅其初又為壽安丞後收臨邛乃遷永嘉班宣六條  
撫柔二郡惠和所被夷越嚮方其在朝也以晁錯之智  
王陽之道而滯於散地括於久次其分符也仁慈愛利  
而必易集作不苟簡奉法循理亦不細苛居三年以疾受代  
貞觀六年冬十一月沒于鍾陵集作林非之私第享年若干

明年八月返葬於長安少陵原之舊塋以夫人永年郡主祔焉禮也惟郡主玄宗之孫今皇帝之從祖姑也儲是慶靈生而洵淑窈窕德象婉婉聽從備柔嘉之行成肅雍之道初天寶十三年詔選資地才令以府君有安仁武子之美而下嫁焉齊莊以主中饋和樂以宜姻族作配君子禮同家人嚴祭祀服澣濯者三十六年而沒春秋五十八歲貞元五年也鍾陵之守臣以聞上不視朝率禮有加嗚呼以公之率履永年之仁淑宜其繁祉



壽考子孫繩繩而生不極其道歿無主其後此伯道之痛碩人之詩所由作也遺命以兄之子某為副乃列其祖代官伐請刻豐碑辭之不獲乃繫詞曰

河東右族蕃衍紹績代功世祿昌而熾兮乃生永嘉剖符承家實而不華諭於義兮二邦靜謚禮之善物朱韜赤帑亦為貴兮有齊永年作儷仁賢佩玉鎗然四德備兮天漢之尊平王之孫爛其盈門恭祀事兮返彼玄壤少陵之上終古悽愴金石識兮



文苑英華卷九百二十四